



**FEDERATA E TENISIT E KOSOVËS
TENISKA FEDERACIJA KOSOVA
KOSOVO TENNIS FEDERATION**

Në bazë të nenit 6.6 të Statutit të Federatës së Tenisit të Kosovës të datës 14 janar 2012, Bordi i Federatës në mbledhjen e mbajtur më 13 dhjetor 2018 miraton këtë:

RREGULLORE NR. 2019-01

PËR

KËSHILLIN E REFERËVE TË TENISIT TË KOSOVËS



PËRMBAJTJA

1. Përkufizimet	2
2. Themelimi dhe objektivat	2
3. Mbledhjet e Këshillit	3
4. Anëtarësia / Anëtarët	3
5. Komisioni Drejtues	4
6. Financimi	5
7. Dispozitat përfundimtare dhe të tjera	5



1. Përkufizimet

Administrata	Administrata e Federatës me të cilën udhëheq Sekretari
Anëtar	Anëtar i Këshillit të Referëve të Tenisit të Kosovës me të drejtë vote
Bordi	Bordi Ekzekutiv i Federatës
Federata	Federata e Tenisit e Kosovës
Këshilli	Këshilli i Referëve të Tenisit të Kosovës
Komisioni	Komisioni Drejtues i Këshillit të Referëve të Tenisit të Kosovës
ITF	Federata Ndërkombëtare e Tenisit
Kryesuesi	Kryesues i Komisionit Drejtues dhe Përfaqësues i Këshillit
Refer i licencuar	Refer i licencuar nga FTK, Tennis Europe dhe /ose ITF.
Sekretari	Sekretari i Përgjithshëm i Federatës

2. Themelimi dhe objektivat

- 2.1. Me aprovimin e kësaj rregulloreje Bordi i Federatës, në kuadër të këshillave dhe komisioneve të tij, themelon Këshillin e Referëve të Tenisit të Kosovës (me shkurtesë zyrtare KRTK), dhe rregullon veprimtarinë e saj.
- 2.2. Këshilli mbledh referët e tenisit për realizimin e detyrave dhe interesave të përbashkëta, dhe të veprimeve të përbashkëta në shërbim të referimit. Këshilli ka për qëllim dhe detyrë të:
 - inkurajojë dhe të promovojë sportin e tenisit nëpërmjet aktivitetit të referimit;
 - delegojë referët në garat e tenisit në garat zyrtare të Federatës;
 - kujdeset për trajnimin dhe avancimin profesional të referëve;
 - inkurajojë shtimin e numrit të referëve, në veçanti numrin e referëve femra;
 - ngrit kulturën, frymën dhe etikën sportive të Anëtarëve të saj;
 - nëpërmjet përfaqësuesve të saj, merr pjesë në punën e organeve të Federatës kur kjo i kërkohet nga Bordi apo Kuvendi.
- 2.3. Këshilli respekton rregulloret e Federatës dhe rregulloret e ITF që ndërlidhen me referimin.



3. Mbledhjet e Këshillit

- 3.1. Mbledhjet e Këshillit i udhëheq Sekretari apo i deleguari i tij. Kuorumi arrihet kur janë prezent së paku 50% e Anëtarëve.
- 3.2. Vendimet merren me shumicë të thjeshtë të votave të Anëtarëve prezent. Votimi bëhet i hapur, përpos kur zgjedhen anëtarët e Komisionit që bëhet me votim të mbyllur.
- 3.3. Mbledhja vjetore e Këshillit mbahet pas përfundimit të sezonit zyrtar të garave të vitit. Mbledhjen e thërret Sekretari me paralajmërim prej së paku pesëmbëdhjetë (15) ditësh.
- 3.4. Mbledhjet e jashtëzakonshme duhet të thirren brenda tetë (8) ditësh nga kërkesa e Bordit, e Komisionit, apo e shumicës së thjeshtë të Anëtarëve të Këshillit.

4. Anëtarësia / Anëtarët

- 4.1. Anëtarë të Këshillit janë të gjithë referët e tenisit nga Republika e Kosovës të cilët me vullnet të lirë, duke pranuar të drejtat, obligimet dhe përgjegjësitë të përcaktuara me këtë Rregullore, deponojnë kërkesë me shkrim tek Administrata.
- 4.2. Anëtarë mund të jenë vetëm personat e moshës tetëmbëdhjetë (18) vjeçare e sipër dhe të cilët janë referë të licencuar të tenisit.
- 4.3. Anëtari për të dalë nga Këshilli duhet dërguar kërkesën me shkrim tek Administrata si dhe të kryen të gjitha obligimet financiare që i ka ndaj Këshillit dhe Federatës.
- 4.4. Anëtari mund të përjashtohet nga Këshilli kur i thyen dispozitat e kësaj Rregulloreje ose aktet e tjera normative të Federatës, apo vepron në kundërshtim me interesat e Këshillit ose të Federatës. Vendimin për përjashtim e bie Këshilli me 2/3 e votave të Anëtarëve, dhe i njëjti dërgohet për miratim nga Bordi.
- 4.5. Administrata ka për detyrë ta mirëmbajë listën e Anëtarëve në uebfaqen zyrtare të Federatës.
- 4.6. Detyrat dhe përgjegjësitë e Anëtarëve janë:
 - Pagesa e anëtarësisë në Federatë, vlerën vjetore të së cilës e cakton Bordi;
 - Referimi i paanshëm, sjellja profesionale, dhe evitimi i konfliktit të interesit;
 - Të kryejnë punën e mbikëqyrësit / referit në garat e tenisit kur janë të deleguar nga Komisioni. Pamundësinë për pjesëmarrje duhet raportuar me kohë tek Komisioni;
 - Ndjekja e seminareve dhe e kurseve obligative për edukim të vazhdueshëm kur ato organizohen nga Komisioni apo Bordi;
 - Mbajtja e veshjes / uniformës, me logot e sponzorëve të Këshillit dhe Federatës;

5. Komisioni Drejtues

- 5.1. Këshilli nga radhët e Anëtarëve të saj zgjedh Kryesuesin e Komisionit. Për këtë pozitë nominohen së paku dy (2) persona. Fitues zgjedhet personi me më së shumti vota.
- 5.2. Pas zgjedhjes së Kryesuesit, Këshilli zgjedh edhe dy (2) anëtarë të Komisionit. Për këto pozita duhet të nominohen së paku tre (3) anëtarë. Fitues zgjedhen anëtarët me më së shumti vota. Për rastet kur votat janë të barabarta, procesi për ta përsëritet deri sa të përcaktohet i përzgjedhuri.
- 5.3. Mandati i rregullt i Kryesuesit dhe anëtarëve të Komisionit është dy (2) vjeçar.
- 5.4. Përbërjen e Komisionit e ratifikon Bordi.
- 5.5. Përbërja e Komisionit duhet të përfaqësojë diversitet rajonal, dhe sipas mundësive edhe gjinor.
- 5.6. Kryesuesi do ta përfaqësojë Këshillin në organet e Federatës, dhe njëherësh udhëheq me mbledhjet e Komisionit.
- 5.7. Detyrat dhe përgjegjësitë e Komisionit janë:
 - Në bazë të rrotacionit, dhe pa diskriminim, cakton referët dhe mbikëqyrësit e turneve bazuar në kalendarin zyrtar të Federatës. Referët duhet caktuar së paku dy (2) javë para fillimit të turneut, dhe për delegime njofton Administratën sa më parë;
 - Propozon në Bord plane për zhvillim, seminare dhe trajnim / avancim të referëve;
 - Propozon për miratim të Bordit çmimoren për angazhimin e referëve;
 - Raporton në Bord për realizimin e planit vjetor të veprimit dhe të punës së referëve;
 - Inicion në Bord procedurë disiplinore për referë me performancë të ulët, neglizhim detyrash dhe / ose për sjellje të pahijshme;
 - Propozon Anëtarët për shpërblime dhe mirënjohje;
 - Asiston administratën në lidhje me raportimin apo publikim të çështjeve që ndërlidhen me punën e Këshillit;
 - Sipas nevojës, krijon komisione të tjera të punës që ndërlidhen me fushëveprimin e Këshillit.
- 5.8. Në realizimin e punëve të tij, Komisioni dhe Këshilli asistohen nga Sekretari dhe Administrata.



6. Financimi

- 6.1. Për realizimin e veprimtarisë së vet, Këshillit mund t'i ndahet buxhet nga Federata. Krahas kësaj Këshilli mund të realizojë të hyra edhe nga grantet komunale apo donacionet dhe sponsorizimet e ndryshme të cilat nuk bien ndesh me ligjin, rregulloret e Federatës, apo sponsorët ekzistues të Federatës.
- 6.2. Këto të hyra duhet të arkëtohen vetëm nëpërmes xhirollogarisë bankare të Federatës dhe përdoren nga Federata vetëm për qëllime të veprimtarisë së Këshillit.
- 6.3. Pagesat realizohen nga Administrata dhe pëlqimi për shpenzimet aprovohet nga Komisioni dhe Sekretari.

7. Dispozitat përfundimtare dhe të tjera

- 7.1. Ankesat në lidhje me punën e Këshillit, Komisionit, apo Anëtarëve i drejtohen Komisionit për Ankesa në kuadër të Federatës.
- 7.2. Këshilli pushon së vepruari kur:
 - (a) këtë e kërkojnë së paku 2/3 e Anëtarëve; ose
 - (b) Shoqata e Referëve të Tenisit të Kosovës themelohet dhe anëtarësohet në Federatë në përputhje me Statutin e Federatës.
- 7.3. Kjo Rregullore mund të ndryshohet me kërkesë të Këshillit dhe aprovohet nga Bordi.
- 7.4. Interpretimi përfundimtar i kësaj Rregulloreje është kompetencë e Bordit.
- 7.5. Kjo Rregullore hyn në fuqi më 1 janar 2019.

Mejdi Rexhepi
Kryetar
Federata e Tenisit e Kosovës



Prishtinë, 13 dhjetor 2018